

民國丙子孟秋月重印

永昌府志

保山輔文館承印

舊序

秦以郡縣易封建郡守
於一郡事無不兼總以
受成於京師其權與今
方鎮相埒漢中葉置刺
史以至舉刺其位尚在

郡守下厥後刺史加秩二千石唐宋更設藩鎮郡守為所屬其權日益輕然一郡之中地率千里屬吏數十人凡刑法財賦農田學校無不與聞屬吏之賢否皆得舉劾地方有大利病必可議陳而行之故郡守得人則一郡稱治永昌自西漢通中國屬益州其隸版圖也久山川秀麗田地開闢物產豐

美相傳有江南之風但
去省治千餘里其地半置
酋長三面皆外域与野人
夷緬為鄰地隔煙瘴人
多剽悍抵瑕隙迫衣食
輒涉殺劫奪恆依山谷以

抗將吏故事郡屬土兵有
緩急郡守得徵發控御
撫綏防守之宜未得條件
措置職任較他郡為重
是非淺大體有幹濟者
則邊境有事其憂不止

一郡夫千里之地凡刑法
財貳農田學校以及厲
吏之賢否地方之利病皆
屬於郡守之一人而已難
矣又况安內攘外為國家
之藩籬不第國一郡利

害不幾難而又難乎乙巳
春永昌郡守宣君新其郡
志既成請予一言以序之予
為是某職位之難為此欲
居斯官者思所以稱其職
之道焉為夫建置之沿革
山川之形勢民物之好尚志
已考之詳矣故不復云

乾隆五十年乙巳夏春

賜進士出身通奉大夫雲南
布政使司布政使錢塘

費淳序



舊序

夫一郡之志乘卽一郡之
典則也且一代之治人卽
有一代之治法有一地之
風土人情卽有一地之政
教雖令古今雖異其時
而人心則一遠近雖異其
勢而教養可殊是惟在
蒞斯土者之準今酌古
因時制宜而已永昌居
法之西極由漢唐以迄
元明雖未置官設吏而

時為邊患自我

朝定鼎以來

天威遐暢罔有不庭而又得前

之賢人君子能宣

朝廷德意化及荒服是以內

而益定多士司尊不恭順

受戴仇易風移外而緬

甸諸彝之莫不嚮風慕

義納責輸誠數十年間

鉅銷鼓息斥堠驚獯

欽休哉歷代以來未已若

此之盛者也余於癸未歲

典守是邦俛焉日有孳
事考大小悉勉而行之
退食暇檢閱郡志徵求
事蹟考鏡賢良觀夫山
川之隆峻而知盈郭圻圉
封守之宜精嚴也觀夫河

流之滙泝而知脩堤防之
淤積之宜疏濬也觀夫土
地之平曠而知種桑麻
廣樹藝之宜勸懲也觀
夫人煙之輻輳賢才之代
興而又知恤孤頌安善良

旌節義培人文之宜獎勵
而激勵也況乎金齒銀生
疆連外域蒲人羯些居近
版圖倘控制失宜控綏之
術又何以持綢綰駕馭之
權哉此永郡之志非徒為

文字觀也蓋所以化民成俗
者在是所以綏靖邊圉者
亦在是雖然古今代異人
事日增煩簡重輕不無殊
尚因革損益不無異宜忠
孝廉節未幾咸登民俗

王風不盡悉載致令考古
者歎文獻之不足徵是尤
所乏之缺事而尤官所土
者之急務也爰稽舊志
始脩於羅公綸繼脩於宣
公世濤計今四十餘年舊

板剝蝕檔案零朽不新
率梨滅恐久而就湮乃命
儒學廣文及郡孝廉諸
士子開局從事集思廣益
缺者補之訛者正之複者
去之謬者訂之閱九月而

告成俾官斯土者一覽而
全郡之事洞若指掌未
求其治之之法先得其治
之之迹其於居官行政未
始無所補云

道光六年丙戌季夏知

永昌府事瀛海陳廷燭
撰書



舊序

永昌舊志成於康熙壬午郡守羅公綸修越八十四年為乾隆乙巳續脩者為郡守宣公世濤迄今又四十一年為道光乙酉郡守陳公恐已往者漸沒於無可稽未來者又苦於無可據而慨然遂以為己任也檄府縣四學集郡紳士詣明倫堂會議增

脩誅於十月朔開局局設於府學之鄉賢祠簡其學識者分職授事或主之或輔之積三月草創將成公欲其斟酌咸宜而與執事者相面商也今季春延之於郡署館以藕花書屋每進一稿輒與更定不少疏去其糟粕雋其蕪穢刪其附會鼎新而賁飾之幾閱月工乃成凡廿六卷四十餘


年之事燦著其中而邊務遠謨尤為精密
美哉洋洋乎西南之載其備於此乎余承
乏保山為永昌首邑亦得標姓氏藉餘光
以附不朽幸甚然披而閱之竊有感焉夫
民各有俗地各有宜古者仕於其國即遠
亦不過千里人情風土皆已夙諳故其治
也易為力今則中外一家幅員之廣以億

萬計一行作吏或南人而至北或北人而
至南時勢情形百不得一而欲拱手堂上
使一方之事包吞心府循環目圍豈可得
乎至於處一室而知四履窮一日而達萬
情如此之才世不數見若有成編可撫其
於沿革損益之迹廢墜脩舉之踪得失理
亂之機法戒取舍之要孰輕孰重孰後孰

先不待遍歷親經而其機節固已熟習於胸中矣然則斯志之增其有關於治術豈淺鮮哉是役也既廩之供楮墨之費剗刷之用印刷之費不飲於同官不資於公項惟公捐廉獨任之所部里民若不知有此事也者余以屬吏得與贊襄例宜出一言以贊簡末故不媿不文而出之如此

道光五年乙酉孟冬

賜進士出身保山縣知縣鐵嶺高堃謹序



重脩永昌府志序

邑之有志猶國之有史也史載
治亂別善惡彰功罪其所以筆
削維茲者示勸懲也志則體例
稍殊雖專事掌故而凡邑之忠
孝節烈與夫名宦鄉賢循吏儒

行之卓、可風者皆得本據事
直書之義以發其潛德之幽光
使脩韻流風足以行令而傳後是
其揚清激濁之意與史固異而同
也永郡自道光二十三年萍回互
門遂聲流階咸豐初杜逆起大

理滇中郡縣相繼淪喪永郡於
辛酉六月失守城陷後撫賢金鷄
板橋諸邨糧以死拒十日計城鄉
中閭家殉難者十有八九視他邑
受害尤烈藉非節義之氣固能
人心則弃甲倒戈輸誠納款之為

方且爭先恐後安有愚夫愚
婦明知釜底之遊魂而甘作刀頭
之怨鬼哉迄今十餘年來城池
依舊村舍增新每與父老談及
從前啓釁之由戰鬥之狀外事
之慘輒為唏噓墮涕者久之吁

人往風靡年湮代遠使老成
凋謝不幾令取義成仁完貞盡
節者湮沒而不彰乎此郡志所
宜亟加修輯也癸未冬珂由臨安
移守是邦適奉續脩通志之檄
因以捐修府志為請又得都人士

集貲出力用以告成爰不揣謏陋掇
拾數言以敘大畧俾後之覽者咸知
愛名節而恥穢行亦未始非風化人
心之助也至於疆域山川人民田賦官制
廟宇等類間有沿革損益者悉
附舊志之末以不復贅